

UNIBERTZITATERA SARTZEA - BATXILERGOTIK

Unibertsitatera Sartzeko Ebaluazioa (USE)

USEk bi fase izango ditu: Sarbide fasea eta Onarpen fasea.

Sarbide fasea nahitaezkoa da eta, gaindituz gero, graduko unibertsitate ikasketetara sartzen da.

Onarpen fasea borondatezkoa da eta gradu baterako onarpen nota hobetzea dauka helburu.

Bi faseetako ariketak 90 minututan luzatuko dira. Ariketa bakoitzaren kalifikazioa 0 eta 10 arteko izango da. Bi aukera izango dituzte eta ikasleak horietatik bat hautatu beharko du. Edozelan ere, aukera itxiak izango dira.

Sarbide fasea

Ariketa hauek izango ditu:

1. Gaztelania eta Literatura II.
2. Euskara eta Literatura II.
3. Espainiako Historia.
4. Atzerriko hizkuntza II: ingelesa, frantsesa edo alemana.
5. Batxilergoko 2. mailako modalitateko nahitaezko gaia:
 - Zientziak: Matematika II.
 - Giza Zientziak eta Gizarte Zientziak, ibilbidearen arabera:
 - Giza Zientziak: Latina II.
 - Gizarte zientziak: Gizarte Zientziei Aplikatutako Matematika II.
 - Arteak: Artearen Oinarriak II.

Sarbide faseko kalifikazioa ariketa guztien kalifikazioen batez besteko aritmetikoa izango da, hiru zifra dezimalekin eta milarenera biribilduta.

Onarpen fasea

Borondatezkoa da. Ikasleak edozein gai aukeratu eta etsamina egin ahal du batxilergoko bigarren mailako enborreko aukerazko irakasgaien artean, gehienez, lau. Nota igotzeko ere balio ahal dute sarbide fasean egindako gaietako batzuek. Fase honetan egindako gaietan lortutako nota kontuan hartzeko, ikasleak 5 puntu edo gehiago lortu beharko ditu.

Onarpen faseko kalifikazioa, proba gainditu eta *hurrengo bi ikasturteetan* ere erabil ahal izango da unibertsitatera sartzeko.

Bigarren hezkuntzako ikastetxearen bidez izena ematen duenean ikasleak adierazi beharko du zein irakasgairen etsamina egingo duen Onarpen fasean, bigarren atal hau egingo bada.

Gai baten ariketak berak izango dira Sarbide fasean nahiz Onarpen fasean. Bi aukera izango dituzte eta ikasleak horietatik bat hautatu beharko du. Edozelan ere, aukera itxiak izango dira.

Deialdiak

Bi deialdi egingo dira:

— **Ohikoa: 2021eko ekainaren 8, 9 eta 10ean.**

— **Ezohikoa: 202eko uztailaren 6, 7 eta 8an.**

Matrikulak deialdi baterako besterik ez du baliorik izango. Ohiko deialdian parte hartu duenak, ezohikoan ere aurkeztuko bada, matrikula berria egin beharko du.

Proba gainditzeko zer behar den

Batxilergoko notaren eta Sarbide faseko kalifikazioaren artean egindako batez besteko nota haztatuan (%60 batxilergoari dagokio eta %40 Sarbide faseari) **5 puntu edo gehiago** lortuz gero, proba gainditzat joko da, baldin eta ikasleak Sarbide fasean **gutxienez 4 puntu** lortu baditu.

Nota hobetzea

Hala nahi badu, ikasleak aukera izango du sarrera nota eta/edo Onarpen faseko edozein gaitan lortutako kalifikazioa hobetzeko. Deialdi berrian lortutako kalifikazioa hartuko da kontuan, betiere aurrekoa baino hobea bada. Sarbide fasea gaindituz gero, nota hori gorde egingo zaio ikasleari mugarik gabe; Onarpen faseko notak, berriz, probak egin eta hurrengo bi ikasturteetan gordeko zaizkio, ez gehiago. Onarpen fasea oraindik ez zegoelarik, Sarbide proba gainditu zutenek aukera izango dute proba honetara aurkezteko, beren nota hobe dezaten. Kasu honetan, Onarpen nota honako formula honen bidez lortuko da:

$$\text{Onarpen nota (GON)} = \text{IBK} + \text{K1} \times \text{G1} + \text{K2} \times \text{G2} + \text{K3} \times \text{G3}$$

IBK = 412/2014 errege dekretua baino lehenagoko sarbide proban lortutako behin betiko kalifikazioa.
G1, G2 eta G3 = Onarpen faserako gainditu diren gaien kalifikazioak.
K1, K2 eta K3 = Haztapan koefizientea.

Kalifikazioak berrikustea

1. Etsamina berrikusteko eskaria eginez gero, lehenengo zuzenketa egin ez duen zuzentzaile batek egingo du.
2. Lehenengo eta behin, egiaztatuko du nota kalkulatzean ez dela errakuntzarik egin eta galdera guztiak zuzendu eta kalifikatu direla.
3. Errakuntzarik ez badago, etsamina zuzenduko du. Kalifikazioa lehenengo kalifikazioaren eta bigarrenaren arteko batez besteko aritmetikoa izango da. Lehenengo eta bigarren zuzenketaren arteko aldea bi puntutatik gorakoa bada, hirugarren zuzenketa egingo da ofizioz. Azken kalifikazioa hiru kalifikazioen arteko batez besteko aritmetikoa izango da.
4. Errakuntzarik badago, zuzendu egingo da eta, ondoren, errakuntzarik ez daukan parte zuzenduko du. Behin betiko nota lortzeko, batez bestekoa egingo da errakuntzarik izan ez duen partearen lehenengo eta bigarren zuzenketen artean eta gehituko zaio errakuntzak zuzentzean lortutako puntuazioa.
5. Berrikusketaren ondoren, behin betiko nota hasierakoa baino txikiagoa edo handiagoa izan daiteke, edo berdina. Eta, hain zuzen ere, errakuntzak zuzentzean litekeena da nota okerragoa lortzea.
6. Epaimahaiak behin betiko nota jasotzeko erabakia emango du eta erreklamazio egileari jakinaraziko dio.
7. Etsaminak berrikusteko prozesua behin bukatuta, epea irekiko da berrikusitako etsaminak ikusteko eskaria egiteko.

Unibertsitateko ikasketak egiteko onarpen nota

Eskari kopurua plaza kopurua baino handiagoa duten graduatan, onarpen nota erabiliko da plazak esleitzeko. Onarpen nota formula honen arabera kalkulatzen da:

$$\text{Onarpen nota (GON)} = 0,6 \times \text{BK} + 0,4 \times \text{SFK} + \text{K1} \times \text{G1} + \text{K2} \times \text{G2} + \text{K3} \times \text{G3}$$

BK = Batxilergoko kalifikazioa
SFK = Sarbide faseko kalifikazioa
G1, G2, G3 = Onarpen faserako gainditu diren gaien kalifikazioak
K1, K2 eta K3 = Haztapan koefizientea.

Froga ESPAINA OSORAKO baliogarria da.